



Broj: KSI-09-232/26

Datum: 30.04.2026. godine

Na osnovu člana 25. tačka g) Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“ broj: 04/21) i člana 25. stav (2) Poslovnika o radu Komisije za odlučivanje o sukobu interesa, postupajući po anonimnoj prijavi od 15.04.2026. godine, protiv nosioca javne funkcije, Branislava Markovića, poslanika u Skupštini Brčko distrikta BiH, na 149. sjednici održanoj dana 30.04.2026. godine, donosi

ODLUKU

Postupak za odlučivanje o sukobu interesa protiv nosioca javne funkcije, Branislava Markovića, poslanika u Skupštini Brčko distrikta BiH, neće se pokrenuti, obzirom da iz dostavljenih podataka i dokumentacije ne proizilazi da je u postupanju nosioca javne funkcije došlo do povrede odredaba Zakona o sprečavanju sukoba interesa u institucijama Brčko distrikta Bosne i Hercegovine, odnosno postojanja sukoba interesa.

Образложење

Dana 15.04.2026. godine Komisija za odlučivanje o sukobu interesa zaprimila je anonimnu prijavu broj: KSI-09-232/26, radi sumnje na postojanje sukoba interesa odnosno povrede odredaba Zakona o sprečavanju sukoba interesa u institucijama Brčko distrikta Bosne i Hercegovine, odnosno protiv Branislava Markovića, poslanika u Skupštini Brčko distrikta BiH, kao nosioca javne funkcije.

U prijavi je navedeno da je Branislav Marković, zaposlen u JZU „Zdravstveni centar Brčko“ Brčko distrikt BiH, a kao poslanik u Skupštini Brčko distrikta BiH aktivno učestvovao na 29. redovnoj sjednici Skupštine Brčko distrikta BiH na tačkama koje su se odnosile na Izvještaj o radu JZU „Zdravstveni centar Brčko“ Brčko distrikt BiH za period od 01.08. - 31.12.2025. godine, izmjene Finansijskog plana JZU „Zdravstveni centar Brčko“ Brčko distrikt BiH za 2026. godinu i davanje saglasnosti na Pravilnik o unutrašnjoj organizaciji i sistematizaciji radnih mjesta u JZU „Zdravstveni centar Brčko“ Brčko distrikt BiH. Nadalje, navodi se da je poslanik Branislav Marković vršio pritisak na lica koja su učestvovala na izradi Pravilnika o zapošljavanju JZU „Zdravstveni centar Brčko“ Brčko distrikt BiH, u kome je predviđeno da njegova supruga bude prebačena na poziciju specijaliste oralne hirurgije u Službi za stomatologiju Doma zdravlja JZU „Zdravstveni centar Brčko“ Brčko distrikt BiH i ostvari veći iznos plate na toj poziciji, te zbog navedenog smatra da postoji sukob interesa

Uvjerenjem Centralne izborne komisije o dodjeli mandata, broj: 06-1-07-1-3513-13076/24 od 05.11.2024. godine kao i dostavljenim Aneksom I – obrazac o javnoj funkciji i nosiocu javne funkcije u Skupštini Brčko distrikta Bosne i Hercegovine utvrđeno je da je Branislav Marković poslanik u Skupštini Brčko distrikta Bosne i Hercegovine i samim time

nosilac javne funkcije shodno Zakonu o sprečavanju sukoba interesa u institucijama Brčko distrikta Bosne i Hercegovine. Uvidom u registar Komisije i Izvještaj o imovinskom stanju nosioca javne funkcije vidljivo je također da je Branislav Marković zaposlen kao doktor medicine u JZU „Zdravstveni centar Brčko“ Brčko distrikt BiH.

Članom 2. tačka a), b), c), e), f) g) i h) Zakona o sprečavanju sukoba interesa u institucijama Brčko distrikta Bosne i Hercegovine, data je definicija da je:

- a. „sukob interesa“ situacija kada nosilac javne funkcije ima privatni interes koji utiče, može uticati ili se stvara utisak da utiče na obavljanje javne funkcije;
- b. „javna funkcija“ funkcija izabranog ili imenovanog lica u organima i institucijama Distrikta, u pravnim licima koje osniva Distrikt kao i u pravnim licima kojima je povjereno vršenje javnog ovlaštenja i lica koje je imenovano, odnosno na čiji izbor ili imenovanje saglasnost daje Skupština Brčko distrikta Bosne i Hercegovine odnosno Vlada Brčko distrikta Bosne i Hercegovine ukoliko drugim zakonom nije drugačije propisano;
- c. „nosilac javne funkcije“ izabrano ili imenovano lice u organima i institucijama Distrikta, u pravnim licima koje osniva Distrikt kao i u pravnim licima kojima je povjereno vršenje javnih ovlaštenja i lica koje je imenovano, odnosno na čiji izbor i imenovanje saglasnost daje Skupština, odnosno Vlada, ukoliko drugim zakonom nije drugačije propisano;
- e. „povezano lice“ je član uže porodice, srodnik u pravoj liniji, srodnik u pobočnoj liniji do trećeg stepena, srodnik po tazbini do drugog stepena, dijete bračnog druga ili bilo koje pravno ili fizičko lice koje je s nosiocem javne funkcije u ličnoj, političkoj, ekonomskoj ili drugoj vezi koja utiče ili bi mogla uticati na objektivnost i nepristrasnost u radu nosioca javne funkcije;
- f. „član uže porodice“ je bračni i vanbračni drug, usvojitelj, usvojenik, dijete, majka i otac nosioca javne funkcije, odnosno lice prema kome nosilac javne funkcije ima zakonsku obavezu izdržavanja;
- g. „finansijski interes“ je interes kojim se nosiocu javne funkcije omogućava da primi novac u vrijednosti većoj od 1.000 KM godišnje;
- h. „privatni interes“ je bilo kakva ostvarena ili moguća korist ili pogodnost za nosioca javne funkcije ili s njim povezanog lica.

Član 11. stav (1), a u vezi sa stavom (3) Zakona o sprečavanju sukoba interesa u institucijama Brčko distrikta Bosne i Hercegovine propisuje da nosilac javne funkcije ne može učestvovati u procesu odlučivanja niti glasati po bilo kojem pitanju koje nosioca javne funkcije stavlja u sukob interesa što uključuje pitanja koja se direktno i indirektno tiču preduzeća u kojem taj nosilac javne funkcije ili s njim povezano lice ima finansijski i drugi interes, te bilo kojem drugom pitanju koje se direktno ili indirektno tiče povezanog lica stav (1), te da je u slučaju iz stava (1) Zakona nosilac javne funkcije dužan izuzeti se od svih službenih radnji, učešća u raspravi, glasanja i odlučivanja i obrazložiti razloge izuzeća stav (3) Zakona. Komisija je postupajući po navedenoj prijavi pokrenula postupak provjere informacija i uputila Zahtjeve za dostavu podataka Skupštini Brčko distrikta BiH i JZU „Zdravstveni centar Brčko“ Brčko distrikt BiH.

Član 26. stav (3) Statuta Brčko distrikta Bosne i Hercegovine ("Sl. glasnik Brčko distrikta BiH", br. 2/2010 - prečišćen tekst) propisuje da poslanici u Skupštini Brčko distrikta Bosne i Hercegovine ne mogu učestvovati u diskusijama, razmatranjima ili donošenju odluka o pitanjima koja su od ekonomskog ili drugog značajnog interesa za njih ili njihove krvne srodnike u pravoj liniji bez obzira na stepen, krvne srodnike u pobočnoj liniji do trećeg stepena, supružnike ili srodnike po tazbini do drugog stepena.

Komisija je uputila Skupštini Brčko distrikta BiH zahtjev za dostavu podataka u kojem je tražila odgovor da li je Branislav Marković, kao poslanik u Skupštini Brčko distrikta BiH, glasao na 29. redovnoj sjednici Skupštine Brčko distrikta BiH, održane dana 25.03.2026. godine, pod tačkama 15. i 16. dnevnog reda sjednice, koje su se odnosile na davanje saglasnosti na izmjene Finansijskog plana JZU „Zdravstveni centar Brčko“ Brčko distrikt BiH za 2026. godinu i davanje saglasnosti na Pravilnik o unutrašnjoj organizaciji i sistematizaciji radnih mjesta u JZU „Zdravstveni centar Brčko“ Brčko distrikt BiH, te da li je glasao „za“, „protiv“ ili „suzdržan“.

Skupština Brčko distrikta BiH u odgovorima na zahtjeve Komisije, broj: 02.1-05-389-K/26 od 20.04.2026. godine i 02.1-05-389-K/26-1 od 23.04.2026. godine, navodi da pregledom elektronskog listinga nije vidljivo da je poslanik Branislav Marković glasao za tačke dnevnog reda koje su se odnosile na JZU „Zdravstveni centar Brčko“ Brčko distrikt BiH, ali je pregledom video zapisa sa 29. redovne sjednice Skupštine Brčko distrikta BiH utvrđeno da je nakon što je izražena sumnja u elektronsko glasanje, poslanik Branislav Marković, ipak glasao „ZA“, prilikom pojedinačnog izjašnjenja o tački dnevnog reda koja se odnosila na davanje saglasnosti na izmjene Finansijskog plana JZU „Zdravstveni centar Brčko“ Brčko distrikt BiH za 2026. godinu, te da na istoj sjednici Branislav Marković uopšte nije glasao za tačku dnevnog reda koja se odnosila na davanje saglasnosti na Pravilnik o unutrašnjoj organizaciji i sistematizaciji radnih mjesta u JZU „Zdravstveni centar Brčko“ Brčko distrikt BiH, te je uz odgovor dostavljen i elektronski generisan listing iz kojeg je navedeno i vidljivo.

JZU „Zdravstveni centar Brčko“ Brčko distrikt BiH u odgovoru na Zahtjev za dostavu podataka, broj: 630/26 od 23.04.2026. godine, navodi da je supruga nosioca javne funkcije T.S.M. trenutno zaposlena na radnom mjestu doktor stomatologije u Službi stomatologije, te da je trenutna bruto plata na toj poziciji 4.538,87 KM i da je plata povećana u odnosu na prethodnu godinu zbog utvrđivanja nove osnovice za obračun plata. Takođe, navodi se da je Odlukom o saglasnosti Skupštine Brčko distrikta BiH data suglasnost na Pravilnik o unutrašnjoj organizaciji i sistematizaciji radnih mjesta u JZU „Zdravstveni centar Brčko“ Brčko distrikt BiH broj: 05-OU-005/26-2 od 18.03.2026. godine, na osnovu kojeg je povećan broj izvršilaca za jednu poziciju na radnom mjestu Doktor specijalista ortoped vilica, za koji poslanik Branislav Marković nije glasao, te da je u toku raspored doktorice T.S.M. na tu poziciju, obzirom da je JZU „Zdravstveni centar Brčko“ Brčko distrikt BiH po zaključenom Ugovoru o regulisanju prava i obaveza po osnovu specijalizacije u obavezi da doktoru koji završi specijalizaciju obezbijedi radno mjesto shodno završenoj specijalizaciji, a u skladu s Pravilnikom o stručnom usavršavanju zaposlenih JZU „Zdravstveni centar Brčko“ Brčko distrikt BiH kao i Rješenju o odobravanju specijalizacije donesenom od strane šefa Odjeljenja za zdravstvo i ostale usluge, a doktorica T.S.M. je dana 25.02.2025. godine položila specijalistički ispit, nakon tri godine specijalizacije.

U odgovoru JZU „Zdravstveni centar Brčko“ Brčko distrikt BiH dostavljen je i izvod iz Pravilnika o unutrašnjoj organizaciji i sistematizaciji radnih mjesta od 20.05.2024. godine, po kojem je utvrđen jedan izvršilac na radnom mjestu Doktor specijalista ortoped vilica, a na radnom mjestu Doktor stomatologije predviđeno je sedam izvršilaca, dok je prema Pravilniku o unutrašnjoj organizaciji i sistematizaciji radnih mjesta od 18.03.2026. godine povećan broj izvršilaca za radno mjesto Doktor specijalista ortoped vilica sa jedan na dva, a na radnom mjestu Doktor stomatologije broj izvršilaca je povećan sa sedam na jedanaest izvršilaca.

Nadalje, navodi se da je Upravni odbor JZU „Zdravstveni centar Brčko“ Brčko distrikt BiH, nakon usvajanja Finansijskog plana za 2026. godinu kao i Pravilnika o unutrašnjoj organizaciji i sistematizaciji radnih mjesta u JZU „Zdravstveni centar Brčko“ Brčko distrikt BiH, iste uputio Skupštini Brčko distrikta BiH kao osnivaču radi dobijanja saglasnosti, a Skupština Brčko distrikta BiH je dana 25.03.2026. godine na 29. sjednici dala saglasnost na iste.

JZU „Zdravstveni centar Brčko“ Brčko distrikt BiH je dana 27.04.2026. godine, dostavio i Finansijski plan JZU „Zdravstveni centar Brčko“ Brčko distrikt BiH sa izmjenama, za 2026. godinu, iz kojeg nije vidljivo ostvarenje bilo kakvog finansijskog i drugog interesa za suprugu nosioca javne funkcije, obzirom da plan nije dokument iz kojeg je vidljiv finansijski iznos za svaku pojedinačnu poziciju, te nije vidljiva radnja koja bi dovelo do sukoba interesa nosioca javne funkcije.

Nosilac javne funkcije, Branislav Marković, poslanik u Skupštini Brčko distrikta BiH, učestvovao je u glasanju na 29. redovnoj sjednici Skupštine Brčko distrikta BiH, koja je održana dana 25.03.2026. godine, tako da je glasao „ZA“ samo o tački koja se odnosila na davanje saglasnosti na izmjene Finansijskog plana JZU „Zdravstveni centar Brčko“ Brčko distrikt BiH za 2026. godinu u kojem nisu bila finansijska sredstva za navedenu poziciju, a finansijska sredstva ranije obezbijedena su rezultat obaveza preuzetih još tokom prethodnih godina, odnosno obaveze preuzete po Rješenju o odobravanju specijalizacije broj: 36-000158 od 21.06.2021. godine, doneseno od strane Šefa odjeljenja za zdravstvo i ostale usluge kao i Pravilniku o stručnom usavršavanju zaposlenih JZU „Zdravstveni centar Brčko“ Brčko distrikt BiH broj: 05-OU-044/15-2 od 01.10.2015. godine, na osnovu kojih postoji obaveza obezbjeđivanja radnog mjesta doktoru po završenoj specijalizaciji, a što je nastalo dosta prije samog glasanja Skupštine Brčko distrikta BiH o Finansijskom planu JZU „Zdravstveni centar Brčko“ Brčko distrikt BiH za 2026. godinu i Pravilniku o unutrašnjoj organizaciji i sistematizaciji radnih mjesta u JZU „Zdravstveni centar Brčko“ Brčko distrikt BiH.

Iz svega navedenog, a na osnovu prikupljenih podataka, dokumentacije, kao i uvidom u istu, utvrđeno je da Branislav Marković, poslanik u Skupštini Brčko distrikta BiH, kao nosilac javne funkcije, nije povrijedio odredbe Zakona o sprečavanju sukoba interesa u institucijama Brčko distrikta Bosne i Hercegovine, odnosno da ne postoji sukob interesa, jer nisu utvrđene okolnosti koje bi ukazivale na moguću povredu odredaba Zakona od strane nosioca javne funkcije.

Primjenom odredaba Zakona o sprečavanju sukoba interesa u institucijama Brčko distrikta BiH, Komisija je donijela odluku kao u dispozitivu.

Pouka o pravnom lijeku:

Protiv ove Odluke nije dozvoljena žalba, ali se može pokrenuti upravni spor pred Osnovnim sudom Brčko distrikta Bosne i Hercegovine u roku od 30 dana od dana prijema ove Odluke.

Predsjednik
Komisije za odlučivanje o sukobu interesa

Admira Mujić, dipl. pravnik

Dostaviti:

- Anonimnom podnosiocu putem oglasne ploče,
- Evidenciji i
- Arhivi.